



Noregs
vassdrags- og
energidirektorat

Til adresseliste

31 MAI 2012

Vår dato:

Vår ref.: NVE 201101360-8 ki/saas

Arkiv: 312 /053.63Z

Dykkar dato:

Dykkar ref.:

Sakshandsamar:

Silje Aakre Solheim

22 95 95 44

Lygre kraftverk AS – Søknad om løyve til Lygre kraftverk i Fusa kommune, Hordaland – høyring

NVE har motteke ein søknad frå Lygre kraftverk AS v/Rune Larsen, datert 03.03.2011, om løyve til Lygre kraftverk i Fusa kommune.

Lygre kraftverk AS vil nytte fallet i Lygreelva mellom kote 116 og kote 12. Nedbørfeltet er 6,6 km² og middelvassføringa ved inntaket er 502 l/s. Frå inntaket til kraftstasjonen skal vatnet førast i ei nedgraven røyrgate på austsida av elva. Denne får ei lengde på ca. 650 m. For å sikre ei meir stabil vassføring i Lygreelva er det planlagt å restaurere ei gammal stemme i Krokvatnet. Denne vert om lag 0,85 m høg og har som føremål å etablere ei passiv regulering av vatnet. Kraftverket er planlagt med installert effekt på 730 kW og maksimal slukeevne 850 l/s. Årleg middelproduksjon er berekna til ca. 2,7 GWh. Det er behov for 200 m ny veg til kraftstasjonen. Det er planlagt å sleppe minstevassføring på 30 l/s.

Det er òg søkt om løyve etter energilova for bygging og drift av Lygre kraftverk med tilhøyrande kopplingsanlegg og kraftline.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Rune Larsen på tlf. 94 81 78 46.

NVE ber Fusa kommune leggje to eksemplar av søknaden ut til offentleg ettersyn på Kommunesynet i Eikelandssøsen fram til **15.08.2012**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagde informasjonsskriv som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner vert sendt oss elektronisk via www.nve.no/konsesjonssaker så snart som mogeleg og seinast innan **15.08.2012**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor

Middelthunsgate 29
Postboks 5091, Majorstuen
0301 OSLO

Region Midt-Norge

Vestre Rosten 81
7075 TILLER

Region Nord

Kongens gate 14-18
8514 NARVIK

Region Sør

Anton Jenssensgate 7
Postboks 2124
3103 TØNSBERG

Region Vest

Naustdalsvn. 1B
Postboks 53
6801 FØRDE

Region Øst

Vangsveien 73
Postboks 4223
2307 HAMAR



Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det vert utarbeidd eit samandrag som kan brukast til dette.

Med helsing

Bård Ottem
for Gry Berg
fung. seksjonssjef

Silje Aakre Solheim
Silje Aakre Solheim
avdelingsingeniør

Vedlegg: 4 Søknad til kommunen
Kunngjeringstekst
Informasjonsark
Adresseliste

- KUNNGJERING -

Lygre kraftverk AS – Søknad om løyve til Lygre kraftverk i Lygreelva i Fusa kommune

NVE har motteke ein søknad frå Lygre kraftverk AS v/Rune Larsen om løyve til Lygre kraftverk i Fusa kommune.

Lygre kraftverk AS vil nytte fallet i Lygreelva mellom kote 116 og kote 12. Nedbørfeltet er 6,6 km² og middelvassføringa ved inntaket er 502 l/s. Frå inntaket til kraftstasjonen skal vatnet førast i ei nedgraven rørgate på austsida av elva. Denne får ei lengde på ca. 650 m. For å sikre ei meir stabil vassføring i Lygreelva er det planlagt å restaurere ei gammal stemme i Krokvatnet. Denne vert om lag 0,85 m høg og har som føremål å etablere ei passiv regulering av vatnet. Kraftverket er planlagt med installert effekt på 730 kW og maksimal slukeevne 850 l/s. Årleg middelproduksjon er berekna til ca. 2,7 GWh. Det er behov for 200 m ny veg til kraftstasjonen. Det er planlagt å sleppe minstevassføring på 30 l/s.

Søknaden vert handsama av NVE etter reglane i kap. 3 i vassressurslova, og gjeld løyve etter § 8 i same lov. Søknaden med vedlegg er lagt ut til offentleg ettersyn på Kommunetunet i Eikelandssosen og på NVE sine nettsider www.nve.no/konsesjonssaker fram til høyringsfristen går ut. Om du ønskjer papirutgåve av søknaden, ta kontakt med Rune Larsen på tlf.: 94 81 78 46.

NVE føretrekkjer at fråsegner vert sendt oss elektronisk via www.nve.no/konsesjonssaker så snart som råd og seinast innan **15.08.2012**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Dersom fråsegna er lang, er det difor ein fordel om det vert utarbeidd eit samandrag som kan nyttast til dette.

Orientering til høyringspartane

Generelt

Frå 1. januar 2010 har fylkeskommunen heimel til å gje løyve i saker som gjeld utbygging av kraftverk med installert effekt inntil 1 MW. Dette gjeld m.a. ikkje saker i verna vassdrag. Løyve til større kraftutbyggingar blir gjeve av NVE eller Kongen i statsråd.

Denne orienteringa gjeld saker der fylkeskommunen kan gje løyve etter § 8 i vassressurslova.

Handsaming av søknaden fram til innstilling blir gjeve til fylkeskommunen

NVE sender informasjon om høyringa til kommunar, fylkesmenn (FM), fylkeskommunar (FK), statlege forvaltingsorgan og interesseorganisasjonar som saka vedkjem. Høyringsperioden er minst 6 veker. Saka vert kunngjort i minst ei avis i distriktet og kommunen legg søknaden ut til offentleg gjennomsyn, ev. utlån. Søknaden vert òg lagt ut på www.nve.no/konsesjonssaker med tilgang til å sende inn fråsegn elektronisk.

Søkjar får høve til å kommentere innkomne fråsegner før NVE gjennomfører synfaring i området.

I heilskapsvurderinga står NVE fritt til å vurdere om løyve bør gjevast og i kva omfang, jf. vassressurslova § 25. Søknaden og innkomne høyringsfråsegner er viktige grunnlag for NVE si vurdering.

Dersom FK gjev løyve, kan det bli knytt vilkår til dette, jf. vassressurslova § 26. Vilkåra kan omfatte byggjefristar, vasslepping, godkjenning av planar med omsyn til miljø og tryggleik, naturforvaltning, fornminne og sanksjonar ved ev. brot på vilkåra.

FK si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Om det er søkt løyve etter energilova for elektriske anlegg i kraftverk/høgspenst overføringsanlegg, vil NVE gi naudsynste konsesjonar etter at vedtaket er fatta av FK. Dei fleste høgspentanlegg med linjer kan byggast innanfor lokal netteigar sin områdekonsesjon.

Kva vert forventet av høyringsinstansane?

Kommunen bør gje grunngeevne synspunkt på om planane bør gjennomførast, ev. val av alternativ. Vi ber kommunen informere om kjende allmenne interesser (t.d. landskap, friluftsliv, fisk og vilt) som tiltaket kan få følgjer for, og ev. andre faktiske tilhøve som kan få innverknad på gjennomføringa. NVE ønskjer forslag til vilkår eller avbøtande tiltak som kan redusere ev. skader ved gjennomføring av planane. NVE ventar at kommunen omtalar tilhøve til kommuneplanen og andre kommunale planar.

FM bør leggja vekt på tilhøva omkring miljø, medrekna fisk og biologisk mangfald, og vurdere tiltaket i høve til sektorlovgevinga.

FK skal bidra med fagleg informasjon innafor eige ansvarsområde, men er ikkje høyringspart i NVE si forberedande sakshandsaming.

Motsegn og klagerett

I ny plan- og bygningslov er tilhøvet mellom konsesjonshandsaming og handsaming av planar for energianlegg endra for å sikre ei meir effektiv sakshandsaming. Det er ikkje krav om reguleringsplan. For å ta hand om retten til å fremja motsegn som kommunar og statlege fagetatar har hatt til reguleringsplanar, er det teke inn reglar i energi- og vassdragslovgevinga om motsegn og klagerett. NVE understrekar at ei ev. motsegn må fremjast i høyringsperioden. NVE syner til våre nettsider for meir informasjon: www.nve.no/konsesjonssaker.

Adresseliste for: Bygging av Lygre kraftverk

Handsamast etter: Vassressurslova

Vert kunngjort av NVE ved CIA Media Marketing 1 gong i: Os og Fusa posten

Tal på søknadar	Namn/adresse
3	Fusa kommune, Postboks 24, 5649 EIKELANDSOSEN
	Fylkesmannen i Hordaland, Postboks 7310, 5020 BERGEN
	Hordaland fylkeskommune, Postboks 7900, 5020 BERGEN
	Naturvernforbundet i Bergen og Hordaland, Postboks 1201 Sentrum, 5811 BERGEN
	NJFF Hordaland, Tverrgt. 4-6, 5017 BERGEN
	Lygre kraft AS v/Rune Larsen, 5646 NORDTVEITGREND
	Sunnhordland Kraftlag AS, Postboks 24, 5401 STORD
	Fusa kraftlag, Stallabrotvegen 119, 5640 EIKELANDSOSEN
	Bergen og Omland Friluftsråd, Hellebakken 45, 5039 BERGEN
	Forum for natur og friluftsliv i Hordaland v/Bergen Turlag, Tverrgt. 4-6, 5017 BERGEN
	Naturvernforbundet i Bergen og Hordaland, Postboks 1201 Sentrum, 5811 BERGEN
	Bergen Turlag, Tverrgt. 4-6, 5017 BERGEN
	Direktoratet for naturforvaltning, Postboks 5672 Sluppen, 7485 Trondheim
1	KM – Katarina Eftevand
1	KD – Oddvar Indrebø
1	ER – Seming Skau